

*LE CHAPITRE DE LA XVII,*  
*contenant vingt versets, escrit*  
*à la Meque.*

**A**V nom de Dieu clement & misericordieux. Je iure par l'obscurité de la nuit, par la clarté du iour, par la creation de l'homme & de la femme, que vos actions sont bien differentes. Celuy qui rend à Dieu l'obeissance qui luy est deuë, & qui croit en son vnité, ira en Paradis, & celuy qui ne louera pas sa diuine Majesté, qui ne se voudra pas conuertir, ira en Enfer, ses richesses ne le sauueront pas, & sera precipité dedans les flammes eternelles. C'est nous qui conduisons le peuple, nous disposons du commencement & de la fin de toute chose. Je vous presche les tourmens de l'Enfer, personne n'y entrera que les miserables qui ont blasphemé, & qui se sont esloignez du chemin de salut, celuy qui aura la crainte de Dieu deuant les yeux, & qui fera des aumosnes sera deliuré du feu d'Enfer, personne ne sera recompensé que de ce qu'il aura fait pour l'amour de Dieu, il en sera satisfait & content.